

Guden Daach , un ei guude wie?

Ich begrieese eusch alle hier in der Narrhalla (Törminell Oins).
Die Narren begries isch net, warum sollt isch aach dene Narre von der Fraa Pord guude saache?
(Die Fraa Pord, gebohrene Reebstock, is mit dem Herr Eier Pord verheiraad.
Die habbe aach drei Kinner, die sin abber all ned so guud gerade.
De Ersde is de Hahn, de zweide is de Egelsbach und de schlimmste is de Kalden
Unn es besde is... dass mir mit unsere Schdeuern dene ihr Kinnergeld bezahle)



Mein Name is Werner von der BFÜ-Eddersheim.

Wers noch ned waas, Edderschem leid zwische Frankford unn Wissbaade, genau in de Midd!
Zwar Kilomedier von der Scheib Nord-West Landebahn entfernd.
Bis Fleerschem sins aach zwa Kilometer.

Gebohn bin ich in Offebach, dass der Tarek aach von Offebach is, dodefer kann isch Nix!

Gott sei Dank!

Isch will eusch ebbes vom „FLUUCH“-Hafe verzehle...

Ihr merkt des is Dialekt... stimmt abber weil es is werklisch en Fluuch!

Hätt der liebe Gott dohmols schon gewussd was die alles ohschdelle, isch glaab der hätt noch e Gebot gemacht:

Du sollsd ned fliesche!

Awwer isch wolld Eusch ja was verzeehle...

Es war emohl vor langer langer Zeit

Des iss schon so lang her, dass viele von uns AIdes sich schon nimmer droh erinnern könne.

Also des war in der Zeid wo die Mensche nur lieesche, sitze, schtehe, laafe, krabbele, schwimme, abber noch net flieë konnde.

Da hadde dann so e paar Schlaumeier gesachd „Mer missde was erfinne, dass die Leud fliesche kennde.

Dodemit hat dann des ganze Elend ohgefange...

Ersd hadde se es mit Ballongs probierd, dann sinn die Holzseeschelf-lieescher gekomme. ...unn so is des als weider gegange.

Dann war uff ohmol nur es fliesche nit mehr guud genuuch, mer wollt aach noch schnell fliesche.

Motorn hott mer ja schon, also hott mer die in die Flieescher eugebaud! De Zebbelin hot aach dezugeherd.

Der hot sich abber middem grooße Knall in Amerika verabschied.

Vergesse derf mer aach ned wozu die Fliescher im Kriesch doh warn...

Unzählische Fliescherbombe sinn uff unschuldiche Mensche abgeworffe worn. Wasse Elend!!!

Des is jedz ned grad lusedisch, geheerd abber zu der Geschichd dezu!

Nachm Kriesch hat mer dann widder alles uffgebaud... vill Neues... unn dezu der Frankfodder Fluuch-Hafe.

Dann iss es so rischdisch losgange, weil nähmlisch die Düsefluchzeusche komme sinn.

Dohdemit hat de Gröbewahn so rischdisch ohgefange.

Dohdezu komme iss noch, dass mer gemerkt hott „Ei uff de anner Seid von de Kuuchel iss joh Sommer, wenn bei uns hier noch Winder iss.

Also müsse mer die Leud doh hie fliesche! Zu sowas sehd mer Masse-Verarschung!

Was hadde die verrickde Kumbels von de Fraa Prod unn de Lusthansa gesaacht? Mir misse ausbaue, ausbaue, ausbaue!

Unn die Schtadt Frankford, hat se baue lasse... ofd aach ohne Genehmigung.

So iss der Fluch-Hafe als greeser und greeser worrn.

Die Mannager wolle jedz als noch weider mache! Pfui Deibel!!!

Nadierlich komme als mehr Fliescher, unn es solle als noch mehr ohgeflooche komme.

Unn wer ohgeflooche kimmt muss ja aach widder wegfliesche müsse.

Unn die viele Fliescher mache ned nur en mortz Krach...

...die tun aach die Lufd verpesde, es Erdreich kabutt mache unn verseusche, Däscher abdegge, Ruderboode kendern losse, Vöschel tod mache unn Schulkinner beim lerne schdörn. Dess iss schlimm!!!

Schlimm iss aach, dass die Knallköpp von de Fraa Pord, de Lusthansa, de Fluuchsischerung, de Puffjeh unn soi Bande unn so weider unn so ford, alles abschdreide un saache des wär ned wohr.

Ausgereschned die greesde Lieschebeudel wolle uns was von de Wahrheit verzeehle...

...isch glaab isch schpinn!!!

Die redde dann von Abbeidsplätz unn von Wachstum.

Mer muss sisch des ehmoihl vorschdelle...

Dene ihrn Wachstum siehd so aus: Wald, egal ob gebannd odder ned, ersdemohl platt mache!

Dann Beddong druff... Was solln doh druff wachse?

Doh kann isch doch nur saache... die verscheibern uns!!!

Unn deshalb derffe mer net uffheern zu demonsdriern unn zu Kämpfe dass des ned so weider gehd!

Damit endlich mohi Ruh is im Kardongg, sonsd iss unser Heimat im Eimer!

Isch dannge Eusch, dass ihr mir zugeheerd habbd und saach Adschöö!!!

Euern Werner von de BFU Edderschem